

«Ислом - тинчлик ва бағрикенглик дини»



18:13 / 27.03.2019 1614

2019 йилнинг 28-30 март кунлари Москва ва Грозний шаҳарларида «**Ислом - тинчлик ва меҳр-саҳоват хабарчиси**» шиори остида Халқаро диний конференция бўлиб ўтади.

Тадбир ташкилотчилари Ахмат Қодиров номидаги Ҳудудий жамоа фонди, Чеченистон мусулмонлари Диний бошқармаси, Бутунжаҳон ислом лигаси, Ислом маданияти, илм-фан ва таълимни қўллаб-қувватлаш жамғармаси ва Россия Фанлар академияси Шарқшунослик институти саналади.

Халқаро конференцияга жаҳоннинг 40 дан ортиқ маълум ва машҳур, нуфузли мусулмон дин арбоблари, олимлар, ҳамда сиёsatчилар, таклиф этилган. Шунингдек, тадбирда Бутужаҳон ислом лигаси раҳбарлари ҳам иштирок қилишади.

Тадбир доирасида уч кун мобайнида Исломда тинч-тотув яшашининг асослари, Россия мусулмонлари ва дунё ҳамжамияти, Халқаро терроризм ва экстремизм, Мусулмонлар ва ижтимоий муносабатлар каби мавзулар кенг муҳокама қилинади.

Мазкур конференцияда «Hilol-nashr» нашриёти ва «Islom.uz» портали раҳбари Исмоил Муҳаммад Содиқ ҳам иштирок этмоқдалар.

Islom.uz портали таҳририяти